



O enredo afgán

Description



Esa nova estratexia global estivo sobre a mesa na reunión de doantes celebrada esta semana en La Haya, onde Afganistán foi sinalado, mesmo por Irán, como o epicentro da inestabilidade en toda a rexión de Asia central, afectando de modo perigoso a Paquistán. [Foto: Ban-Ki-Moon, secretario xeral da ONU (esquerda), e o presidente Hamid Karzai na Conferencia Internacional sobre Afganistán, en La Haya o 31 de marzo de 2009].

O fracaso en asegurar a estabilidade en Afganistán a través de medios militares levou á Administración Obama a promover enfoques máis amplos que inclúen a aceleración do proceso de reconstrución, o alivio da pobreza, a intensificación da capacidade operativa das forzas de seguridade do goberno de Kabul, recabar o apoio dos países veciños e deseñar mesmo un “plan de saída”. Esa nova estratexia global estivo sobre a mesa na reunión de doantes celebrada esta semana en La Haya, onde Afganistán foi sinalado, mesmo por Irán, como o epicentro da inestabilidade en toda a rexión de Asia central, afectando de modo perigoso a Paquistán.

No país despregáronse máis de 70.000 efectivos das forzas da coalición dirixidas por EEUU e a ISAF da OTAN, pero os continuos enfrontamentos e o rexurdir do movemento talibán cobrouse a vida de máis de mil soldados estranxeiros, a metade das civís rexistradas só en 2008. Cabe imaxinar que o anuncio do envío de máis tropas (17.000 novos soldados, dixo Obama) e a celebración das eleccións presidenciais en agosto, non acalmarán os ánimos e, pola contra, mais ben darán un forte pulo á violencia nos próximos meses. A aposta dos talibáns é a agardada: boicot absoluto a un proceso electoral do que só pode saír un goberno títere e controlado por EEUU e os seus aliados. A intensificación do enfrontamento é a consecuencia previsible, facilitada pola ampla decepción xerada polo presidente Hamid Karzai, hoxe en horas baixas con Washington, no eido socioeconómico e ata en materia de seguridade, cun substancial aumento dos crimes, roubos e ataques suicidas e unha maior fortaleza e expansión das redes do narcotráfico. No medio, unha maioría social cansa e insatisfeita cunha ocupación estranxeira que se desenvolve con tanta ineficiencia e torpeza que ata o propio Karzai esixiu unha elemental coordinación ás tropas de EEUU e da OTAN para evitar tanta sucesión de arbitrariedades. Pero é na saída onde reside a clave de futuro.

[Acceso ao artigo orixinal no repositorio web 1998-2012](#)

APARTADOSTEMATICOXEOGRAFICOS

Asia ARQUIVO

IDIOMA

Galego

Date Created

Abril 5, 2009

Meta Fields

Autoria : 3717

Datapublicacion : 2009-04-05 00:00:00